



Elisapeta matinagena uve taula toitoi aonai, Palagu na aneru ta arana Gaberiela etuguato vanuga ta Galileia aonai arana Nasareta. Vavine ta vonai. Ia mataogavuna arana Iosepa, Davida gena kwalu. Vovavine arana Maria.



Aonai aneru na maevaikilaato, netiwato,  
"Maria, ragai pono kali, Palagu gena  
vega-nama goi atamu ai petaoa. Goi  
pono kuvia melo ta pono gapia, pono  
araa, arana Iesu. Ia arana  
peneve rage e pia kilagia  
Goloka Iwavagi Palaguna  
Natuna. Palagu talutalu na king  
ai pene vega-agoa, ia kalakalana  
Davida vetaina. Ia Vele Taputapu ai  
pene ago, vele talutalu Iakobo  
petena geria,

gena Basileia ati pene aiki."



Maria na aneru evaikilaato, netiwato,  
"Eeraka pene wala-tiwa? Au tau ta  
goti rogoti gara genokou." Aneru na  
evega-geleato, netiwato, "Veaga  
Palaguna goi atamu ai pene  
kwara, Palagu tiavuna na  
pene porogimu.

Vovetainai goi gemu  
na pene wala melona  
maveagana Palagu  
Natunai  
pia kilagia."



Oranaimo Maria ekuliitito, Iudea golo vanugana  
gautai elakato. Vonai Sakaria gena numai  
everageto, Elisapeta evega-namaato.  
Elisapeta na Maria gena  
vega-nama kilana  
ekamonagiato natuna  
ia tinagenai  
ekalavo-kalavoto,  
aonai Elisapeta  
Veaga Palaguna na  
evega-vonuato,  
mamina egapiato.



Ne ekila-kamukamuto, netiwato, "Vavine  
maparara aorai Palagu gena vega-nama  
goi atamu ai kamu iwavagi,  
e pono gapia melona  
atanai maki!"



Iesu Keriso evetaina ewalato: Ia tinana Maria Iosepa  
komunana, na ira ruala e  
rogoti gere vegarawa aonai,  
Veaga Palaguna na melo  
evega-matagaiato Maria  
tinagenai. Iosepa, Maria  
garawana, ia kala  
rorirori talimana, e  
ati eririwato,  
taunilimalima wailarai  
Maria pene vega-nugaragea.  
Vovetaina gaurai gena  
ririwa ia veavugai vou Maria  
pene rugaa netiwato.



Ia vovetaina etugamagiwai aonai, Velekou gena aneru  
ta nivi aonai ematagaito, ne evaikilaato, netiwato,  
"Iosepa, Davida natuna, komunamu Maria  
apiragena kalinana ragai pono kali,  
kwalana ia e Veaga Palaguna na melo  
pevega-matagaia ia tinagenai."



"Ia na melo ta pene gapia, pono araa arana Iesu, (Iesu ganina ia vevega-maguli tauna); kwalana ia na gena taunilimalima geria rakava aorana pene vega-magulira." Iosepa maitu na ekeroto aonai Velekou gena aneru na evaikilaato kalara ekalagirato. Maria evairageato, egarawaato. Na ia goti ati gegeno-kouto natuna egapiato. Melona earaato arana, Iesu.



rakava  
aorana pene vega-magulira."



Volaganinai Kaisara Augusto, Roma geria vele, na gena kilakila etuguato, tanopara talimara maparara arara pia talora, tentiti (census) pia gapia. Gaura pakurai taunilimalima maparara arara talotalora ularana



kwapurakwapura geria  
vanuga taunataunarai gewaikuleto.



Iosepa maki elakato. Nasareta, Galileia kavana  
vanugana taa na, Betlehemai eagoto, Iudea kavana  
vanugana ta, Davida gena  
vanuga. Vonai eagoto,  
kwalana ia Davida  
gena kwalu  
talimana.



Vonai arana  
pia taloa ulanana, ia  
tao-gavuna Maria goti geagoto. Ia matinagena.



Ira ruala vonai  
getaluwai aonai, gena  
gapi tomana ekwarato.



Ia egapito, natuna kunena maru, rapuga na ekumuato,  
polomakau garia ganigani tapilana aonai  
evega-maoko-rigoato, kwalana  
wariwari talimara geria numa  
gevonuto  
gaurai.



Vokapu ai mamoe gegita-tagorawai talimara reketa  
uraurai getaluwai, pogi airana geria mamoe  
gegita-tagorawai.



Aonai Velekou na aneru ta ira geriai ekwarato,  
Velekou maekana na ewae-talirato;  
gekali-rakavato, . . .



... na aneru na evaikilarato, netiwato, "Ragai pio kali!  
Vali Namana au na pavuamaia gomi gomi, taunilimalima  
maparara pene vega-vererera valina."



"Etoma Davida na vanugai gemi vevega-maguli Vena  
pewala, Keriso Velekou! Vegailiana evetaina, melo  
ralarala pio rawalia polomakau geria  
ganigani tapilana aonai



emaoko-tagona,  
rapuga na pege  
kumua."



Ne veganamo kupa anerura gutuma eaneru  
kwapuna ria gegoto-kwarato, Palagu  
gevega-namaato, negetiwato, ...



... "Kupa atagaina raimoraimonai Palagu pia  
vega-ragea, e tanoparai maino ia na  
eao-namarana talimara na pia gapia!"



Aneru maparara na geraokwanirato, kupai gewaikuleto mulinai, mamoe gitatagora talimara gekila-kouto, negetiwato, "Ita Betlehemai ita ago, Velekou na pevega-ripara gauna itave gitaa."



Gaurai gelakato, Maria e Iosepa gerawalirato, melo keina maki polomakau garia ganigani tapilana aonai maokotagonai gerawaliato. Melo gegitaato, aneru na gevega-riparato vetainai valina gevaravaragiato.



Iesu Iudea tanonai  
vanuga ta arana  
Betelehemai  
ewalato.

Volaganinai King Heroda na Iudea  
tanona egita-tagoawai. Iesu  
ewalato mulinai, aoneka talimara  
garo eragena kavana na  
gevogomaito, Ierusalem mai gema  
kwarato.





Ne geverenagito, negetiwato,  
"Iuda talimara geria king ta pewala  
negetina ariginai nea? Ia gena  
mitiu paga gitaa garo eragena  
kavanai. Ai ia aia aliruputali-venia  
ulanana paga vogomai."

Gaurana Heroda na  
aoneka talimara  
veavugai ekearato, ne  
erenagi-gainagainarato,  
netiwato, arigi toma  
taunataunanai mitiu  
ematagaito.



Gaura pakurai etugurato  
Betelehemai, evaikilarato,  
"Iolaka, melo keina iove  
tavu gitagita, pio rawalia  
genai, pioma vega-ripaku,  
pe au maki pana wati,  
pana aliruputali-venia."



Heroda gena kila gekamonagiato mulinai, ira  
magelakato. Raupara na geagowai aonai, vomitiu, garo  
eragena kavanai gegitaato mitiuna, na  
maekune-agirato, pene ago, melo  
keina emaoko-tagowai kapuna  
atanai eve mia-tagoto.



Vonumai gelaka-togato aonai, melo keina matinana  
Maria goti gegitarato, nea getiu-talito,  
gealiruputali-veniato. Voia mulinai  
geria veveni rinagara  
gekala-pakarato ne  
gewareware-veniato.



Gewareware-veniato gaura ea kolo, e mulamula arana frenkinsens, kovuna maponana namana mulamulana, e veiru mulamulana arana muro. Ne Palagu na nivi aonai evega-riparato, netiwato, "Heroda genai ragai pio waikule." Gaura pakurai raupara poluna na geria tanopara e vanugai gewaikuleto.



Ira gelakato mulinai, Velekou  
na aneru nivi aonai Iosepa  
genai evevega-matagaito,  
netiwato, "Ono kuliiti, melo  
keina matinana goti Aikupito  
ai ono raka-lakagira.  
Vonai pio talu vou, pene  
ago, au na mapana  
vaikila-waimu, kwalana  
Heroda na



melo keina etavuana, pene  
vagi-kwaregaa netina."





Gaurai Iosepa ekuliitito,  
melo keina matinana goti  
evairato, pogi aonai Aikupito  
ai gelakato. Vonai getaluwai  
pene ago, Heroda  
ekwaregato. Ekila e  
Velekou na peroveta  
talimana muruna na  
ekilagiato kilana



etaunataunato, netiwato,  
"Aikupito na natuku  
akea-piatiato."





Heroda eripa-rorirorito,  
voaoneka talimara na ia  
geopa-veniato gaurana, ia  
eparu-rakavato.




Ne vetali talimara pa soldia  
etugurato, Betelehema e  
lagana tanorai melo keira  
geria wala rigolora ruala e  
mulinai gewalato maparara  
gevagi-kwaregarato.



Vomelo keira geria wala  
rigolora ruala e mulinai  
gevagi-kwaregarato ganina  
aoneka talimara na mitiu  
gegitaato tomana na, pene ago,  
Heroda eripato tomana rigolo  
ruala e kovana.






Heroda ekwaregato mulinai,  
Velekou gena aneru Iosepa  
genai nivi aonai maevevega-  
matagaito Aikupito ai. Ne  
voaneru Iosepa evaikilaato,  
netiwato, "Ono kuliiti, melo  
keina matinana goti ono  
vaira, Isaraela tanonai  
ioago. Kwalana melo  
keina pia

vagi-kwaregaa  
negetiwato talimara  
warau pege kwarega."



Na Iosepa ekamonagito, Akelao na  
Iudea egita-tagoawai  
tamana Heroda  
kapunai, gaurana vonai  
ago ekalito.



A Palagu na nivi aonai  
evega-ripaato gelegelenai  
elaka-vanagito, eagoto  
Galileia tanona kavanai.



Galileia tanonai  
vanuga ta arana  
Nasaretai  
etaluto.



Voanana Palagu na  
peroveta talimara geriana Iesu  
ekilagiato kilana etaunataunato,  
netiwato, "Ia Nasareta talimantai pia kilagia."



Kwalana Palagu na tanopara  
eulamagi-kamu-iwavagiato gaurai,  
Natuna wala geregana evenirato,  
gaurai ia pia kamonagi-venia  
talimara maparara ati pia  
kwarega, na maguli  
vanagivanagi  
pia vaia.



Roma 3:23

Kwalana taunilimalima maparara rakava talimaramo, pe maparara Palagu maekana ralemana iwavagina genana tagerevagito.

Roma 6:23

Kwalana rakava voina kwarega, a Palagu gena wareware gera Velekou Keriso Iesu genana pita gapia gauna maguli vanagivanagi.

Heberu 9:27

Evetaloto, taunilimalima maparara veganamo vagi pia kwarega, mulinai Palagu na pene agirorira.



## Efeso 2:8,9

Gomi gemi kamonagi genana Palagu na gena vega-namai evega-magulimito. Gomi ati matotaumi gemi tiliga na govevega-magulito. Aikina, e Palagu gena vevega-nama ita evenirato. E ati gomi gemi inagulu pakurai voimi gogapiato ga una, pe talima taa na ragai pene veagi-agia.

## Roma 10:9,10

Voo pene murumu na pono kila-matagai, "Iesu Vele kou," noponotiwa, nugamu garakauna na pono vega-taunataunaa, ia Palagu na kwarega na evega-kuliiti-waiato genai, Palagu na pene vega-magulimu. Kwa lana nugana garakauna na evega-taunataunaa talimana, Palagu wailanai kala rorirori talimanai eagona; e muruna na ekilagi-matagaiana, maguli erawaliana.



## Ioane 3:16,17

Kwalana Palagu na tanopara eulamagi-kamu-iwavagiato gaurai, Natuna wala geregana evenirato, gaurai ia pia kamonagi-venia talimara maparara ati pia kwarega, na maguli vanagivanagi pia vaia. Kwalana Palagu na Natuna ema tugu-rigioato tanoparai, ati tanopara pene agiroria ulanana, na tanopara ia pakunai pene maguli gaurai.

## 1 Ioane 5:11-13

Kila taunatauna ea: Palagu na maguli vanagivanagi warau evenirato, e vomaguli vanagivanagi ia Natuna aonai. Palagu Natuna egapi-rageato talimana na maguli evaiato. A Palagu ati egapi-rageato talimana na maguli ati evaiato Ekilara gomi, Palagu Natuna arana govega-taunataunaana talimami, atalo-venimina, kwalana pio ripa, gomi warau maguli vanagivanagi govaiato.



# Mataio 1-2; Luka 1-2

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter; Sarah S.

Keapara, Kalo NT (khz) © 2004, Wycliffe Bible  
Translators, Inc. All rights reserved.

<https://live.bible.is/bible/KHZPNG/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

